



Republika e Kosovës
Komuna e Drenasit

Kuvendi i Komunës

12 Nr. 0601/1- 4305 dt. 29/12/2019



**Mbledhja e rregullt
Kuvendi Komunal
21.12.2018**

PROCESVERBAL

I mbledhjes se rregullt të Kuvendit Komunal të Drenasit të Mbajtur më datë.
21.12.2018

Mbledhjen e kryesoi: **LABINOT HALILAJ** – Kryesues

Kryesuesi deklaroi të hapura punimet e mbledhjes të rregullt të Kuvendit Komunal ku të pranishëm ishin 28 anëtar

Kuvendi filloi punimet më këtë :

Rend Dite:

1. Procesverbali i mbledhjes së datës: 29.11.2018
2. Plani i Punës i Kuvendit Komunal për vitin 2019
3. Raporti i punës rreth regjistrimit të planit të integritetit dhe menaxhimit të rreziqeve.
4. Propozim Vendim për vazhdimin e dhënien në menaxhim-shfrytëzim të përkohshëm të parkingut të automjeteve që gjendet në hapësirat e stacionit e autobusëve, Shoqatave të dalura nga Lufta.
5. Propozim vendim për iniciimin e themelimit të teatrit të qytetit
6. Të ndryshme.

Prezent gjatë mbledhjes së rregullt të datës 29/11/2018 ishin: Kryetari i Komunës z. Ramiz Lladrovci, Përfaqësues të KFOR-it, dhe përfaqësues të OSCE-së, Drejtor të Drejtorive.

Kryesuesi i Kuvendit z.Labinot Halilaj, pasi përshëndeti të gjithë, hapi diskutimin për rendin e ditës dhe kërkoi nga anëtarët e kuvendit se a pajtohen me këtë rend dite, apo ka ndonjë propozim?

Kryetari i Komunës z. Ramiz Lladrovci, pati një propozim vendim:

Për ndryshimin e lokacionit për ndërtimin e qendrës edukativo-kulturore, nga parcela 7820 dhe pjesa e parcelës 768-1, në parcelen Nr.01001-3 në zonën kadastrale në Drenas. Ku i njoftoi me arsyetimin e këtij propozim vendimi, dhe kërkoi nga ana juaj që ky propozim ndryshim i këtij vendimi të votohet nga ana juaj.

Petrit Gashi, unë kisha propozuar që kjo pikë e rendit të ditës të shtyhet, mos të hyn si pikë e rendit të ditës, për shkak që po nguteni, ne vetëm sa e morëm materialin dhe nuk mundemi me e verifikuar këtë material ende. Ne kur kemi diskutuar për këtë pikë të rendit të ditës për "Qëndresën Kosovare" për ndërtimin e kësaj qendre edhe atëherë e keni sjellë me urgjencë dhe keni thënë se menjëherë do të fillon puna, dhe po shihet që deri me tani nuk paskeni filluar, dhe tani paskeni shikuar pronën dhe e keni vërtetuar se toka ka probleme dhe nuk është në rregull dhe tani duhet për shpronësim një pronë tjetër, për shkak të këtyre gabimeve që po ndodhin nga ana juaj jo nga ana jonë sepse gjitha ato propozim vendime që i keni sjellë edhe pse kemi debatuar prapë i kemi përkrahur po del që edhe ne po mbesim gabim, edhe ju po dilni keq, kështu që mos më e përsëriti në vazhdimësi gabimin e njëjtë unë propozoj që deri ta analizojmë mjaftueshëm këtë material dhe këtë propozim vendim të shtyhet për seancën tjetër të radhës.

Kryetari i Komunës z. Ramiz Lladrovci, kërkoi nga asamblistët që të mos debatohet deri sa të kalojë kjo pikë e rendit të ditës dhe kërkoi që ta votojë këtë.

Kryesuesi i Kuvendit z.Labinot Halilaj, hodhi në votim këtë pikë të rendit të ditës, prezent gjatë votimit ishin 26 anëtar:

Për votuan: 20

Kundër: 03

Abstenim: 03

Kryesuesi i Kuvendit z.Labinot Halilaj, hapi diskutimin për pikën e parë të rendit të ditës:
1. Procesverbali i mbledhjes së datës: 29/11/2018

Sokol Bylykbashi, e kam një vërejtje të vogël, këtu ku flas për çështjen e transparencës, informimit në përgjithësi, nuk po e lexoj krejt por vetëm aty ku nuk e keni cek ashtu siç e kam thënë: por problemi është që qytetarët janë të përjashtuar nga ky aspekt. Nuk e keni cek ashtu siç e kam thënë, unë kam thënë se qytetarët duhet me qenë pjesëmarrës të përfshirë në dy faza ku njëra është konsultative, ku ata janë pjesëmarrës dhe mundësh me i degju dhe e thonë fjalën e tyre, dhe tjetra fazë është ku qytetarët janë spektator ku qytetarët mundën me na përcjell edhe këtu kryesisht edhe përmes mediave.

Kryesuesi i Kuvendit z.Labinot Halilaj, hodhi në votim këtë pikë të rendit të ditës, prezent gjatë votimit ishin 27 anëtar:

Për votuan: 26

Kundër: 01

Abstenim: 00

Kryesuesi i Kuvendit z.Labinot Halilaj, hapi diskutimin për pikën e dytë të rendit të ditës
2. Plani i Punës i Kuvendit Komunal për vitin 2019

Beqir Kiqina, sa i përket planit të Kuvendit Komunal, me disa gjera pajtohem por kam disa kërkesa sa i përket këtij raporti të cilat nuk po kryhen, kërkoj nga Kuvendi Komunal jo vetëm nga komuna që t'i merr më mirë parasysh çështjet e komisioneve, e shikova që në planin e punës për këtë vit parashihet se si do të vijojnë punët edhe sa i përket raporteve të ndryshme por edhe komisioneve të ndryshme që po formohen në Kuvendin Komunal, kërkoj nga komisioni i formuar në këtë Kuvend Komunal që ka qenë për emërimin ose riemërimin e rrugëve, ai proces nuk ka përfunduar dhe kërkoj që Kuvendi Komunal ta merr për bazë këtë çështje, dhe iu kisha lutur edhe kolegeve opozitar të VIZION-it që një deputet nga VIZION-i ka qenë në komision por pasi që i ka ra me u ndërruar me tjetrin ende KQZ-ja nuk e ka dhënë verditin e tyre, nëse nuk gaboj është në pritje Gërrit Gërruri në komisionin për emërimin e rrugëve dhe kisha kërkuar edhe ata anëtar të cilët janë në komision të kryhen punët nga ky komision sepse ka shumë probleme dhe shqetësime të qytetare se emërimi i rrugëve nuk ka përfunduar ashtu siç duhet dhe komisioni nuk e ka kry punën e vet, pavarësisht që është votuar në Kuvendin Komunal. Bëjë kërkesë që formimi i këtij komisioni nga pozita dhe opozita që se paku nga muaji Mars e tutje të dalin në teren dhe t'i rregulloj këto çështje.

Sabrije Kukaj, sa i përket komisionit të rrugëve nuk mundeni me thënë se nuk kanë punuar mirë sepse kanë qenë edhe kryesuesit e secilit fshat bashkërisht me komisionin i kanë zgjedh rrugët. Por sa i përket tabelave nuk janë vendosur sepse për shkak të vonesave të disa këtu në kuvend ka ndodh që donacioni me humb, por rrugët janë të emëruara shumë mirë sepse me kryesi të fshatrave kanë ndodhë gjitha ato emërtime të rrugëve

Florentina Elezi, unë dua të cekë edhe diçka si lloj tradite dhe për shkak të transparencës tani e tutje më na sjellë edhe planin e prokurimit edhe raportin e prokurimit në kuvend që me qenë sa ma transparent, pasi që kjo është edhe mbledhja e fundit e vitit 2018 por kisha kërkuar që planin e prokurimit me na dërguar në email ndërsa raportin e prokurimit për vitin 2019 me na sjellë çdo gjashtë muaj apo siç ta shihni ju të arsyeshme, por është shumë e rëndësishme për ne asamblist të jemi të njohur me të gjitha procedurat.

Sokol Bylykbashi, përveç asaj që e ceku kolegja, kërkoj që në plan të futet edhe raporti i zyrës së brendshme, raporti i auditorit të brendshëm, ne asnjëherë nuk e kemi pas një raport të zyrës së auditorëve të brendshëm, së paku një herë në vit.

Kryetari i Komunës z. Ramiz Lladrovci, plani i prokurimit për vitin 2018 ka qenë në ueb faqe që është zyrtare publike dhe ka mundur më shiku çdo kush si dhe raportet dhe kontratat e lidhura dhe për vitin 2019 nuk mundem me e publikuar raportin e buxhetit pa u votuar në nivel qendror.

Ndërsa sa i përket raportit të auditorit të brendshëm përfshihet në raportin e Kryetarit të Komunës, dhe nëse e gjeni diku që raporti i brendshëm del në kuvend atëherë edhe unë e sjelli.

Florentina Elezi, unë nuk thash që nuk është në ueb faqe por thash që me sjellë në kuvend dhe me diskutuar rreth raportit dhe atij plani. Kërkoj dhe pres me votu.

Sokol Bylykbashi, unë nuk kërkoja me i sjellë 12 raporte por thash që me na sjellë një raport të përgjithshëm që i përfshin të gjitha. Unë kërkoja me pas raportin e brendshëm për arsye se ne jemi monitorues, përveç se jemi organi kryesor jemi edhe monitorues të punës dhe nëse ne nuk i kemi ato raporte si mundemi ne me e monitoru kryetarin dhe jemi më të mangët në monitorimin e punës së kryetarit.

Vehbi Berisha, një pyetje dua ta bëjë për auditorin, nëse e di nuk kemi kufizime ligjore që mundemi me kontraktua një kompani nga jashtë që me e kry atë rol, a kishim mundur ne me kry një gjë të tillë që me e ul koston.

Kryetari i Komunës z. Ramiz Lladroveci, komisionet për emërime nuk ka qenë vetëm një komision, por kanë qenë të paktën tri komisione tre mandate. Ne mungesë të komisionit të anëtarit të vizionit nuk ka qenë funksional komisioni por nga viti 2019 nga janari e tutje të gjitha komisionet kanë me qenë funksional.

Beqir Kiqina, unë kisha kërkuar edhe nga VIZONI për Drenasin deri sa të vjen asamblisti i ri që është në pritje pas ndërrimit me qenë dikush nga ata, që më qenë funksional komisioni në fillim të vitit që po vjen se janë shqetësime të qytetareve dhe nuk po mundemi me ia dhënë një përgjigje adekuate.

Petrit Gashi, ne vet si Kuvend kemi vendos për me qenë Gentrin Gerguri dhe mos prania e tij nuk po mundet me u plotësuar komisioni dhe me qenë funksional, ne si komision kemi mundur me fillu punën, por komisioni pa plotësimin e numrave të anëtareve të përcaktuar nuk është komision funksional, por nëse doni një propozim vendim për ndërrim të komisionit atëherë sjellne propozimin dhe e ndërrojmë.

Beqir Kiqina, është mirë më pas një propozim me ndërru anëtarin e komisionit deri sa të vjen anëtari i ri.

Kryesuesi i Kuvendit z.Labinot Halilaj, deri në seancën e radhës besoj se do ta bëjmë një zgjidhje.

Kryesuesi i Kuvendit z.Labinot Halilaj, hodhi në votim këtë pikë të rendit të ditës, prezent gjatë votimit ishin 27 anëtar:

Për votuan: 24

Kundër: 03

Abstenim: 00

Kryesuesi i Kuvendit z.Labinot Halilaj, hapi diskutimin për pikën e tretë të rendit të ditës:
3. Raporti i punës rreth regjistrimit të planit të integritetit dhe menaxhimit të rrezeve.

Kryesuesi i Kuvendit z.Labinot Halilaj, hapi diskutimin për pikën e katërt të rendit të ditës:
4. Propozim Vendim për vazhdimin e dhënien në menaxhim-shfrytëzim të përkohshëm të parkingut të automjeteve që gjendet në hapësirat e stacionit e autobusëve, Shoqatave të dalura nga Lufta.

Florentina Elezi, ne në Komitet kemi marrë vendim se me e sjellë një raport ose një rregullore se sa kanë me qenë tarifa, nuk po e shoh një dokument të tillë.

Lumnije Krapa, dhënia e kësaj parcele është pa kompensim, raporte nuk mundemi me kerku por te hyrat vjetore për një vit kryesisht janë 4450, muaji gusht dhe korrik munden me pas ma shumë të hyra, 1 euro është tarifa 1 ditore në bazë të rregullores.

Kryesuesi i Kuvendit z.Labinot Halilaj, hodhi në votim këtë pikë të rendit të ditës, prezent gjatë votimit ishin 21 anëtar:

Për votuan: 20

Kundër: 01

Abstenim: 00

Kryesuesi i Kuvendit z.Labinot Halilaj, hapi diskutimin për pikën e pestë të rendit të ditës:
5.Propozim vendim për iniciimin e themelimit të teatrit të qytetit

Beqir Kiqina, sa i përket kësaj pike, për mua personalisht është ndër lajmet ma të mira ose është një propozim ma të mira që do të marrë Kuvendi Komunal, për arsye se komuna e Drenasit nuk ka pas teatër dhe ai të jetë funksional duke pas parasysh që shumë të rinj dhe të reja janë të interesuar të merren me këtë lloj aktiviteti, Komuna e Drenasit ka ngecur rreth kësaj çështje shpresoj që mos të jetë vetëm si iniciim por të përfundohet. Kërkoj që të na sjellin një plan se si e parashihet dhe ndarjen e mjeteve buxhetore nga viti në vit se si do të shkojnë më tutje.

Shqipe Zogu, vota ime do të jetë për, për këtë propozim vendim dhe ato që kanë të bëjnë me avancimin kulturor dhe sportiv në komunën tonë, Drenasi ka nevojë për teatër dhe për muze shpresoj që edhe në të ardhmen do të bëhet edhe iniciimi për themelimin e muzeut.

Vehbi Berisha, përmes këtij dokumenti ne vetëm po i hapin rrugë proceseve ligjore të themelimit të teatrit, sa ishte e mundshme që të njëjtën gjë ta bëjmë edhe për muze, edhe pse nuk i kemi fondet për me ndertu një muze të tillë, por të paktën ta kryejmë atë anën tonë formale që me themeluar edhe muzeun për arsye se është shumë i nevojshëm.

Sokol Bylykbashi, sa i përket themelimit të teatrit në qytetin tonë , është një vendim shumë i mirë dhe e mirëpresim për arsye që plotëson më një atribut shtesë sektorin e kulturës në komunën tonë, komuna jonë në sektorin e kulturës nuk është që nuk ka aktivitete të ndryshme, por është një aset që i ka munguar Komunës së Drenasit dhe e mirëpresim shumë. Nuk mundemi

me qenë shumë të pasur si shoqëri nëse nuk e kemi edhe kulturën e pasur me gjithë ato aktivitete që mundemi me i pas. Ndërsa sa i përket mënyrës se si ka me funksionuar dhe a ka ndonjë plan, por nëse nuk ka ndonjë plan është mirë që me fillu në mënyrë sa ma aktive dhe me ia mundësuar gjithë atyre talenteve që i kemi me zhvillu aktivitetin e tyre, gjithashtu edhe muzeu i mungon qytetit tonë, muzeu së paku i ka dy komponent që na kemi material të mjaftueshëm nga aspekti historik dhe kulturor, dhe reliktet nga mënyra e jetesës që ka ndodhë në të kaluarën dhe mundemi më pas një muze të pasur me këto dy komponentë.

Kryetari i Komunës z. Ramiz Lladrovi, ne po themelojmë një teatro amator, Ministria e Kulturës Rinis dhe Sportit në bazë të rregullores 04/2015 e përcakton se kush është teatro amator, teatro funksional nuk mundemi me bë sepse ato lejohen vetëm në 6 qendra kryesore, dhe këtu nuk bëhet fjalë për teatër profesional por për teatër amator, ne teatër amator mundemi me i ndihmu përmes donatoreve siç i ndihmojmë shumë shoqëri kulturore siç i kemi në Drenas dhe Komoran, siç i ndihmojmë klubet e sportit dhe klubet tjera, dhe në këtë aspekt nuk po kërkohet të votohet teatër profesional.

Sabrije Kukaj, është diskutuar shumë herë ku janë banesat e vogla një katëshe me u rrenu dhe me u ndërtuar një muze, e banoret me u bartë në banesat e komunës, aty kishe me qenë shumë mirë më qenë një muze i ndërtuar

Kryetari i Komunës z. Ramiz Lladrovi, ne jemi duke e bërë planin zhvillimor të Komunës së Drenasit dhe Planin e hartës kadasrtale kështu që do t'i parashohim të gjitha do t'i diskutojnë, të iniciativa për me themelu një muze është shumë e mirë dhe do ta bëjmë, mjete nuk kemi por duhet ta ndajmë buxhetin, kur ta sjellim propozimin kemi me shqyrtuar mirë do të vendosim së bashku.

Kryesuesi i Kuvendit z.Labinot Halilaj, hodhi në votim këtë pikë të rendit të ditës, prezent gjatë votimit ishin 26 anëtar:

Për votuan: 26

Kundër: 00

Abstenim: 00

Kryesuesi i Kuvendit z.Labinot Halilaj, hapi diskutimin për pikën e gjashtë të rendit të ditës:
6. Për ndryshimin e lokacionit për ndërtimin e qendrës edukativo-kulturore, nga parcela 782-0 dhe pjesa e parcelës 768-1, në parcelën Nr.01001-3 në zonën kadastrale në Drenas.

Nexhmedin Balaj, mua më pëlqej ideja kryetarit për ndryshimin e lokacionit të ndërtimit të qendrës kulturore për gra sepse atje ishte në kontest një rrugë mirëpo nuk po më pëlqen ky vend për gra sepse është një vend një reklamë e mirë e qytetit të Drenasit është një vend shumë i ekspozuar dhe në atë vend t'i vendosim një shoqatë të grave kur kemi pas pozita tjera që kemi mundur me i vendos, rast konkret e përmendem muzeun e qytetit të Drenasit dhe është një vend shumë i mirë për muze dhe është një reklamë e mirë për qytetin tonë, për mua propozim vendimi më pëlqen por nuk po më pëlqen lokacioni, nëse ju e ndërroni lokacionin unë jam në gjendje me prit vetëm të jetë një lokacion më i përshtatshëm por mos të nxihet ajo pozitë aq e mirë e qytetit të Drenasit më një objekt për gra, e kemi një objekt barakat dhe nuk do të kishim penguar për

këtë objekt, e kemi të HANDIKOS-i i Komunës së Drenasit kemi hapësira tjera të cilat mundemi me i shfrytëzo, ne a duhet vetëm me nderru lokacionin apo duhet me anulë atë vendim si e kemi marrë me herët pastaj me marr vendim për këtë vendim.

Kryetari i Komunës z. Ramiz Lladrovci, vendimi i ri e anulon vendimin e kaluar. Kërkoj ta votoni këtë propozim vendim së është një lokacion shumë i mirë. Kjo qendër do të shfrytëzohet si qendër kulturore për gra të cilat do të zhvillojnë aktivitete të ndryshme.

Kryesuesi i Kuvendit z. Labinot Halilaj, të propozim vendimi neni 6 thotë: pas aprovimit të këtij propozim vendimi shfuqizohet vendimi të datës: 25.09.2018 i Kuvendit Komunal me të cilën vendim është miratuar lokacioni i parcelës, çdo vendim i ri e shfuqizon të vjetrin.

Florentina Elezi, a nuk keni mundur para se me marrë vendim për atë token ma herët se kemi votuar me shiku planin rregullues të vitit 2012, ose me shiku atë rrugë, është dashtë me i ditë këto informacione para se me marr ne vendim, se këtu po i bien se dikush është duke bërë këto gabime pa i shikuar punët mirë, nuk keni ekspertë të fushës, dhe shumë vendime po i merrni me shumë emocione dhe vetëm sa me thënë se e kemi kaluar dhe e kemi bërë një punë. Dhe kjo qendër pajtohem me Nexhmedinin se nuk do të thonë me qenë në qendër të qytetit, mundemi edhe diku tjetër me ia dhënë, prandaj vota ime është kundër, arsyeja është se po merrni vendime shumë të ngutshme.

Kryetari i Komunës z. Ramiz Lladrovci, para veti e keni hartën dhe e keni me pika ndarjen e pronës së komunës, por ajo lokacion nuk e zënë objektin të cilën e kemi planifikuar me e ndërtuar. Ne kemi marrë një vendim që ka qenë i arsyeshëm por më vonë janë parë defekte tjera. Por unë po kërkoj vetëm me e nderru vendin për me ndërtuar qendrën, kërkoj që ta votoni zonën që e kemi propozuar.

Adem Bucolli, ju bëjë thirrje ta përkrahni këtë objekt, dhe është në vendin e duhur.

Petrir Sinani, në herën e kaluar kur kemi diskutuar unë kam kërkuar që me u verifikuar kjo shoqatë dhe asnjëherë nuk e kam vënë në diskutim ose pikëpyetje më e votu ose jo një projekt të tillë, sipas meje pak rendësi ka lokacioni të cilën ne vendosim ne sa ka rendësi ligjshmëria e këtij vendimi, unë jam për ndërtimin e kësaj qendre, sepse është një projekt të cilën po dertohet për të mirën e këtyre grave, ky propozim vendim është në interesin e qytetareve, por është mirë që ne kuvend mos me na sjellë vendime të ngutshme, prandaj herëve tjera me na sjellë materialin më kohë në mënyrë që secili prej neve më pas mundësi me shiku më kohë. Vota ime është për, për këtë propozim vendim.

Petrir Gashi, unë e dhashë qëndrimin tim qysh në fillim kur u bë ky propozim vendim, ne që nga fillimi kemi kërkuar kohë për këtë propozim vendim edhe për verifikim të asaj shoqate që do ta ndërton por edhe për lokacion, sepse ajo parcelë ka shumë probleme, tani e sjellni një propozim vendim menjëherë në seancë pa diskutuar dhe pa e verifikuar në materialin, ne nuk jemi për mos më e votu këtë propozim vendim por po kërkojmë që ky propozim vendim të shtyhet për seancën e ardhshme në mënyrë që ne me pas kohë me e verifikuar mjaftueshëm materialin dhe ta shohim kërkesën ligjrisht a është mirë për ndryshe nuk do ta votoj.

Kryesuesi i Kuvendit z.Labinot Halilaj, hodhi në votim këtë pikë të rendit të ditës, prezent gjatë votimit ishin 27 anëtar:

Për votuan: 19

Kundër: 03

Abstenim: 05

Kryesuesi i Kuvendit z.Labinot Halilaj, hapi diskutimin për pikën e shtatë të rendit të Ditës: 7. Të Ndryshme

Sokol Bylykbashi, dua të flas për një çështje që ka të bëjë me blerjen e lendeve djegëse, peletit me prejardhje nga Serbia, nga Komuna Drenasit për nevojat e qendrës kryesore të mjekësisë familjare, kjo blerje është skandaloze, është e papranueshme, dhe është e ndaluar me aktet nënligjore, zyrtar të Komunës se Drenasit a nuk keni dëgjuar kurrë për fushatat sensibilizuese që i kanë bërë institucionet e ndryshme, por edhe Lëvizja Vetëvendosje me moton: Duaje Tënden, për vetëdijesimin edhe institucioneve dhe qytetareve për blerjen, konsumimin e produkteve vendore dhe njëkohësisht bojkotimin e produkteve serbe. Të nderuar zyrtar të Komunës së Drenasit a nuk keni parë kurrë strategji për fuqizimin e bizneseve vendore për rritjen e prodhimit vendor dhe cilësisë së prodhimit vendor, a nuk e keni parë kurrë strategjinë e Lëvizjes Vetëvendosje që ka të bëjë me blerjen dhe përkrahjen e prodhimeve vendore në radhë të parë nga institucionet, në strategjinë e Lëvizjes Vetëvendosje thuhet që: është mirë me fillu institucionet e ndryshme, lokale, qendrore që të funksionojnë në bazë të buxhetit të Republikës së Kosovës, që marrin buxhet nga taksat e qytetareve të Republikës së Kosovës, më fillu që të gjitha materialet gjitha mallrat dhe shërbimet me i ble nga prodhimet vendore. Le të jetë vërejtje dhe mos të ndodhë më kurrë, dhe vitin e ardhshëm gjitha ato mjete që i kemi ndarë sidomos në kategorinë mallra dhe shërbime t'i kenë parasysh dhe zyra e Prokurimit që i bënë këto procedura duhet ta këtë parasysh këtë, le t'i merrë gjitha ato kompani, gjitha ato oferta që vinë në radhë të parë nga prodhues vendor, nëse për ndonjë arsye nuk mundën me gjet mallra nga kompanitë tona vendore atëherë mund të këtë zgjidhje, e kemi Shqipërinë, Maqedoninë apo edhe vende tjera pra ta përjashtojmë Serbinë

Sabrije Kukaj, unë dua t'i ngriti disa çështje që mua dhe qytetaret na shqetësojnë shembull konkret është Lagjja e Re në Drenas që as një rrugë apo diçka nuk është bërë në këtë vit. Tjetra rruga e prishur po kjo rrugë që është të rrethi, është e vështirë me u kalu me vetura dhe është një gropë që e kanë lënë, është një pjesë e dëmtuar shumë, rruga të lagja Qorri sa kërkesa janë bërë dhe nuk është shtruar ajo rrugë. Pastaj rruga në Verboc, unë kam qenë pjesë e hartimit të buxhetit dhe e di për çka janë ndarë 40 mijë euro. dhe ajo rrugë është tmerr një shi më ra ato shtëpi nuk mundën me dal nga ajo rrugë, dhe kanalizimi i lagjes Kastrati nuk është kryer në atë pjesë. Buxheti i mbetur për shkollën e Polluzhes, pjesa e mbetur nuk besoj që është bartë diku tjetër, dhe asnjëherë nuk na kanë sjellë raport për atë.

Kryetari i Komunës z. Ramiz Lladrovci, tenderin e ka fitu një firmë për pelet në QKMF dhe e ka sjellë paletin në një kategori krejt tjetër që është në procedura të prokurimit, dhe ne nuk i kemi pranuar ato, është vendim i Qeverisë së Kosovës për taksën 100% dhe ne kemi marrë masa dhe nuk kemi pranuar mall me mbishkrimin kundër kushtetutës së Kosovës.

Sokol Bylykbashi, prej që jam asamblist në Kuvendin Komunal, që pesë vite, unë si asamblist udhëhiqem së paku nga 3 parime, parimi kryesor është që jam munduar gjithmonë me fol vetëm për interes të përgjithshëm, unë flas çka shoh, nuk flas çka thonë të tjerët, unë kisha kërkuar me pas kujdes institucionet komunale ose komuna jonë është mirë me ble mallra nga prodhuesit vendor.

Arigon Sinani, dëshiroj para Kuvendit ta shpalosi një kërkesë banoreve të qendrës III, Drenasi II mbrapa gjykatës, banoret e kësaj lagje kanë bërë kërkesë që 6 muaj ndryshimin e koeficientit të pronës i cili aktualisht është 3.5 dhe kërkojnë që kjo të nivelizohet me koeficientin në qendër, prandaj kërkoj nga ju që ta përkrahni propozimin tim për futjen si pikë e rendit të ditës në mbledhjen e ardhshme.

Kryetari i Komunës z.Ramiz Lladrovi, nuk kemi të drejte me nderru koeficientin për një lagje.

Edollina Plakiqi, dua ta paraqes një problem që është evident në komunën tonë pasi që punët nuk po kryhen mirë nga Drejtoia e Urbanizmit, rrugët po lihen në gjysmë, në fshatin Nekoc, rruga e Islam Kastratit lagjen Zekaj rruga është lënë në gjysmë për 2-3 metra që nuk është e arsyeshme për 2 ose 3 metra të mos bashkohet me rrugën që ka qenë paraprake, dhe shihet dallimi me rrugën paraprake, gjerësia e rrugës ka qenë më e gjerë ndërsa tani që është shtruar ajo pjesë, asfaltimi i rrugës është më i ngushtë, përse po bëhen këto punë kështu?

Seanca përfundoj rreth orës: 12:20 min.

Proesmbajtëse:

Liridona Fejza-Ajazi




Kryesuesi i Kuvendit

Labinot Halilaj



Republika e Kosovës
Komuna e Drenasit

Kuvendi i Komunës



Rekomandimet e dhëna nga Komiteti për Politikë dhe Financa në mbledhjen e mbajtur me datë 18.01.2019, si vijon:

1. Procesverbali i mbledhjes së datës: 13/12/2018.

Kryesuesi i Kuvendit z. Labinot Halilaj, hodhi në votim këtë pikë të rendit të ditës, gjatë votimit prezent ishin 6 anëtarë:

Për votuan: 06

Abstenim: 00

Kundër: 00

2. Raporti Financiar i zhvillimit të Buxhetit janar-dhjetor

Të gjithë anëtarët e Komitetit për Politikë dhe Financa u pajtuan që kjo pikë të kalojë për Kuvend

3. Propozim vendim për Aprovimin e Programit Komunal tre vjeçar për Banim për periudhën 2019-2021

Kryesuesi i Kuvendit z. Labinot Halilaj, hodhi në votim këtë pikë të rendit të ditës, gjatë votimit prezent ishin 6 anëtarë:

Për votuan: 06

Abstenim: 00

Kundër: 00

4. Propozim vendim për Plotësim Ndryshimin e Rregullores Komunale për fillimin dhe mbarimin e orarit të punës së Organizatave të Biznesit në Komunën e Drenasit.

Të gjithë anëtarët e Komitetit për Politikë dhe Financa u pajtuan që kjo pikë të kalojë për Kuvend

5. Të ndryshme

Kryesuesi i Kuvendit z. Labinot Halilaj, prezantoi dy kërkesa: 1. Kërkesë për lirim nga taksa komunale për shoqëri tregtare- Ordinanca Stomatologjike. 2. Kërkesë për ndërrimin e emrit të rrugës në fshatit Vuçak.

Janar, 2019